



➤ **إنما لما يكون الواحد داخل على شهر رمضان ؛ يبقى لازم يفووووووق .. لازم يصحى من النوم اللي هو فيه طول السنة .. لما تلاقي الدنيا كلها بتستعد لرمضان وإنك نايم ، يبقى إنت اللي فيك حاجة غلط!**
«الناس العاديين بيستعدوا لرمضان من قبلها بشهور ويخزنوا التمر والياميش وما لذ وطاب من الأكل ..
«وكذلك التجار ، كلهم بيستعدوا ويجهزوا لرمضان
«التليفزيون .. وما أدراك ما التليفزيون ؟؟
الفنانين والفنانات وأصحاب البرامج ، كله بيستعد لرمضان يمكن من قبلها بسنة كاملة !! وتلاقي نفسك قدام أكثر من ١٠٠ مسلسل وألف برنامج ترفيحي ومسابقات وفوازير والذي منه !! إستعداد رهيب !!
«ده حتى الشياطين بتستعد لرمضان !!
تلاقي الشيطان بيذل أقصى جهد علشان يوقعك في معصية قبل رمضان متفوقش منها غير بعد فوات الشهر المبارك .. وكذلك بيذلوا أقصى جهد في تجنيد شياطين الإنس علشان يبعذك بأي وسيلة عن الطاعة في رمضان !!
الدنيا كلها بستنعد .. يا نرى إنت استعدت إزاي ؟



« لازم نسأل نفسنا يا إخواني ..

إستعدنا لرمضان إزاي؟؟؟

« أنا عارف إن الإجابة محرجة جداً!!!!!! عند معظم الناس إلا من رحم الله .. وخاصةً لما نقرأ في سير الصحابة والسلف الصالح ، ونشوف كانوا بيجهزوا إزاي للشهر العظيم ده .. وقد إيه فعلاً كانت عزيمتهم وصدقهم مع الله ؛ فكان ربنا بيقيهم وبيباركهم في شهر رمضان ..

« الواحد بيبقى هاين عليه يعمل أي حاجة في نفسه علشان تبطل الإستهتار والتهاون والغفلة اللي إحنا عايشين فيها..!! ربنا بيقول :

(وَلَوْ أَرَادُوا الْخُرُوجَ لَأَعَدُّوا لَهُ عُدَّةً) النوبة: ٤٦

« اللي عايز يفوز برمضان لازم يجهز له من دلوقتي يا شباب .. لو تأملنا في أحوال الناس اللي عندهم إمتحانات .. قد إيه عمالين يذاكروا ويجهدوا .. وفيه ناس والله مش بنتام غير ساعتين ولا ثلاثة !! ده كله علشان إمتحان دنوي لو الواحد حتى رسب فيه - لا قدر الله - مش هتبقى مشكلة كبيرة..!



١ - شهر البركة :

قال رسول الله ﷺ :
(أتاكم رمضان شهر مبارك) صححه الألباني
 وقال ﷺ أيضاً : **(رمضان شهر مبارك)** صححه الألباني
 رمضان شهر بركة .. بركة في كل حاجة ..

٢ - شهر تسلسل فيه الشياطين :

« قال رسول ﷺ : **(أتاكم رمضان شهر مبارك فرض الله عز وجل عليكم صيامه تفتح فيه أبواب السماء وتغلق فيه أبواب الجحيم ، وتغل فيه مردة الشياطين ، لله فيه ليلة خير من ألف شهر ، من حرم خيرها فقد حرم)** صححه الألباني
 وقال ﷺ : **(إذا دخل شهر رمضان فُتحت أبواب الجنة وغُلت أبواب جهنم وُسُئلت الشياطين)** متفق عليه
 بقالك ١١ شهر بتقول الشيطان الشيطان ..
 أهو الشياطين إتسلسلت يا سيدي ..

يا نرى إيه اللي هيخليك نعصي ربنا بعد كده ؟؟
استغل بقى الفرصة دي علشان تصلح نفسك ..



ليه كل ده ؟؟؟

« ناس كتير هتسأل وتقول : إحنا عارفين إن شهر رمضان شهر بركة وإيمانيات وكل حاجة .. بس ؛

« **ليه كل ده ؟؟**

ليه الإهتمام الزيادة أوي ده برمضان ؟؟؟
اشمعى رمضان اللي عمالين تقولوا لازم نستعد ليه ونجتهد فيه ونموت نفسنا من الطاعة والعبادة ؟؟

« **تعالوا نعرف مع بعض ليه لازم نستعد لرمضان؟**
وليه كل الإهتمام ده برمضان ..؟؟

« **لأن شهر رمضان ليه فضائل ومميزات لو عرفتها ؛ هتعرف قد إيه إنت لازم تستعد له ..!!**
هتعرف قيمة رمضان وقدره الحقيقي ..!!
هتعرف إن الثانية فيه من ذهب .. بل أعلى والله ..!!
تعالوا يا إخواني نشوف بعض فضائل شهر رمضان:





٤ - شهر صيام = ثواب سنة صيام :

« قال رسول ﷺ : (صيام شهر رمضان بعشرة أشهر ، و صيام ستة أيام بعده بشهرين ، فذلك صيام السنة) صححه الألباني
٣٠ (رمضان) + ٦ (من شوال) = ٣٦٠ !!

٥ - شهر تكفير الذنوب والخطايا :

« قال رسول ﷺ : (الصلوات الخمس ، و الجمعة إلى الجمعة و رمضان إلى رمضان ، مَكْفِرَات لِمَا بَيْنَهُنَّ إِذَا اجْتَنَبَ الْكَبَائِرَ) رواه مسلم

٦ - شهر الصلة بين السماء والأرض :

أنزل الله في رمضان كلامه وكتبه وخاطب فيه خلقه..
« قال رسول ﷺ : (أنزلت صحف إبراهيم أول ليلة من شهر رمضان ، و أنزلت التوراة لست مضت من رمضان ، و أنزل الإنجيل بثلاث عشرة مضت من رمضان ، و أنزل الزبور لثمان عشرة خلت من رمضان ، وأنزل القرآن لأربع وعشرين خلت من رمضان) حسنه الألباني



٣ - تُفْتَح فِيهِ أَبْوَابُ الْجَنَّةِ وَ تُغْلَقُ فِيهِ أَبْوَابُ الْجَحِيمِ :

« قال رسول ﷺ : (إِذَا دَخَلَ شَهْرُ رَمَضَانَ فَتُفْتَحُ أَبْوَابُ الْجَنَّةِ وَ تُغْلَقُ أَبْوَابُ جَهَنَّمَ) متفق عليه
أبواب النار كلها مقفولة .. اللهم لك الحمد ..
وأبواب الجنة كلها مفتوحة قدامك ..

يا ترى هل تحقق كام باب فيها ..؟؟

♥ ولو لاحظنا الأحاديث دي .. هنلاقي ورد فيها ٣ روايات .. كل واحدة بلفظ مختلف ..

① أول رواية : " **تفتح فيه أبواب السماء** "

« إشارة إلى إستجابة الدعاء ..

② وتاني رواية : " **تفتح فيه أبواب الجنة** "

« إشارة إلى الخير والبركة والحث على التنافس والمسارة في الطاعة ..

③ والرواية الثالثة : " **تفتح فيه أبواب الرحمة** "

« إشارة لكثرة الرحمة والعفو والمغفرة ..



« تخيل نفسك إنك عند فلان من الناس ..

لو أعتقك ، يبقى إنت بقيت حر خلاص .. والإنسان ده مبقاش له ولاية عليك ..

« وكذلك النار .. قال تعالى :

(**مَأْوَانِكُمُ النَّارُ هِيَ مَوْلَانِكُمْ وَبِئْسَ الْمَصِيرُ**) الحديد: ١٥

يعني العتق هو الخروج من هذه الولاية .. يعني النار متكونش هي مولاك ..

« وفي آيات أخرى يقول تعالى :

(**أَوَلَيْكَ أَصْحَابُ النَّارِ هُمْ فِيهَا خَالِدُونَ**) البقرة: ٣٩

فالعتق: هو التخلي عن هذا الملك ، ملكية النار للإنسان

« ربنا بيقول : (**فَمَنْ زُجِرَ عَنِ النَّارِ وَأَدْخِلَ**

الْجَنَّةَ فَقَدْ فَازَ) آل عمران: ١٨٥

العتق من النار يعني خلاص .. مفيش عذاب !

« **يا ترى يا شباب هنعمل إيه في الشهر ده**

علشان نكون من عتقاء الله من النار ..؟؟؟



« وقال تعالى : (**شَهْرُ رَمَضَانَ الَّذِي أُنزِلَ فِيهِ الْقُرْآنُ**

هُدًى لِّلنَّاسِ وَبَيِّنَاتٍ مِّنَ الْهُدَىٰ وَالْفُرْقَانِ) البقرة: ١٨٥

♦ والشهر اللي أنزل فيه القرآن لابد أن له مكانة عظيمة بين الشهور .. قرب العزة لا يختار الأوقات بدون حكمة أو معنى .. تعالى سبحانه عن ذلك علواً كبيراً ..

٧ - كل يوم وليلة في رمضان فرصة للعتق من النار :

« قال رسول ﷺ : (إِذَا كَانَ أَوَّلُ لَيْلَةٍ مِنْ شَهْرِ رَمَضَانَ صُفِدَتِ الشَّيَاطِينُ وَمَرَدَةُ الْجِنِّ ، وَغُلِقَتْ أَبْوَابُ النَّارِ فَلَمْ يُفْتَحْ مِنْهَا بَابٌ ، وَفُتِحَتْ أَبْوَابُ الْجَنَّةِ فَلَمْ يُغْلَقْ مِنْهَا بَابٌ ، وَيُنَادِي مُنَادٌ كُلَّ لَيْلَةٍ : يَا بَاغِيَ الْخَيْرِ أَقْبِلْ ، وَيَا بَاغِيَ الشَّرِّ أَقْصِرْ ، وَلِلَّهِ عِتْقَاءُ مِنَ النَّارِ ، وَذَلِكَ كُلَّ لَيْلَةٍ) صححه الألباني

« وقال ﷺ : (**إِنَّ لِلَّهِ تَبَارَكَ وَتَعَالَى عِتْقَاءَ فِي كُلِّ يَوْمٍ وَلَيْلَةٍ - يَعْنِي فِي رَمَضَانَ - وَإِنْ لَكُلِّ مُسْلِمٍ فِي كُلِّ**

يَوْمٍ وَلَيْلَةٍ دَعْوَةٌ مُسْتَجَابَةٌ) صححه الألباني

إنت عارف يعني إيه العتق من النار؟؟؟



« قال رسول ﷺ : (إن هذا الشهر قد حضركم ، وفيه ليلة خير من ألف شهر ، من حُرِمها فقد حُرِم الخير كله ! ولا يُحرم خيرها إلا محروم) صححه الألباني

🔸 **علشان كده** لازم تجتهد في العشر الأواخر من الشهر علشان تدركها بإذن الله ، ومتكونش من المحرومين من الخير والثواب العظيم ده ..

١٠ - شهر لك فيه كل يوم دعوة مستجابة :

« قال رسول ﷺ : (إن لله تبارك وتعالى عتقاء في كل يوم وليلة - يعني في رمضان - وإن لكل مسلم في كل يوم وليلة دعوة مستجابة) صححه الألباني

وقال ﷺ : (ثلاث دعوات مستجابات ؛ دعوة الصائم ، و دعوة المظلوم ، و دعوة المسافر) صححه الألباني

🔸 **قول يارب ..** في موسم الطاعة والبركات دي كلها قول يارب .. أطلب ما تشاء .. أكيد كلنا عندنا مشاكل وهموم وطلبات .. إرفع ايديك وقول يارب وإنت كلك يقين إن دعائك مستجاب ..

♥ **قول يارب** اغفر لي ما مضى .. وتقبل مني ما هو كائن .. وثبتني في ما هو قادم .. برحمتك يارب ..



٨- [٣] فرص في شهر واحد لمغفرة ما تقدم من ذنبك

« قال رسول ﷺ : (من صام رمضان إيماناً وإحتساباً ، غُفر له ما تقدم من ذنبه) متفق عليه

وقال ﷺ : (من قام شهر رمضان ، إيماناً وإحتساباً ، غُفر له ما تقدم من ذنبه) متفق عليه

وقال ﷺ : (ومن قام ليلة القدر إيماناً وإحتساباً ، غُفر له ما تقدم من ذنبه) متفق عليه

🔸 ٣ فرص قدامك علشان تتغفر ليك ذنوبك والبلاوي السودا اللي إرتكبتها طول السنة ..

🔸 ٣ فرص علشان تتطهر من ماضيك وتبدأ صفحة جديدة " على بياض " ..

« حد عاقل يفوت الفرص العظيمة دي ..؟؟

٩ - شهر فيه ليلة القدر :

« ليلة عبادتها خير من عبادة ألف شهر ..

قال تعالى : (لَيْلَةُ الْقَدْرِ خَيْرٌ مِّنْ أَلْفِ شَهْرٍ) القدر:٣

عبادة في ليلة واحدة ثوابها أفضل من عبادة ٨٣ سنة ! ده إيه الثواب الرهيب ده!! يا رحمتك وكرمك يارب !



٥ الصيام يدخلك الجنة :

« قال ﷺ : (من حُتِم له بصيام يوم دخل الجنة)

🔸 **الفوز بالدخول من باب الريان في الجنة :**

« قال رسول ﷺ : (في الجنة ثمانية أبواب منها باب يسمى الريان لا يدخله إلا الصائمون) متفق عليه

🔸 **الصيام يجعلك من الصديقين والشهداء :**

« جاء رجل إلى النبي ﷺ فقال يا رسول الله : (أرأيت إن شهدت أن لا إله إلا الله وأنتك رسول الله وصليت الصلوة الخمس وأديت الزكاة وصمت رمضان وقمته ؛ فممن أنا ؟؟؟ قال النبي ﷺ : من الصديقين والشهداء) صححه الألباني

🔸 **مضاعفة الحسنات أكثر من ٧٠٠ ضعف :**

« قال رسول ﷺ : (كل عمل ابن آدم يضاعف الحسنة بعشر أمثالها إلى سبعمائة ضعف قال الله تعالى إلا الصوم فإنه لي وأنا أجزي به) متفق عليه

🔸 **الفوز بثواب الصابرين :**

« قال رسول ﷺ : (شهر الصبر رمضان) صححه الألباني

وقد قال الله تعالى عن ثواب الصابرين :

(إِنَّمَا يُؤْتِي الْقَصِيرُونَ أَجْرَهُم بِغَيْرِ حِسَابٍ) الزمر:١٠



🔸 إنت متخيل الفضائل اللي فاتت دي كلها ..

حد صممن يعرف الفضائل دي كلها ويضيعها؟؟

🔸 ده كل ده شئ بسيط ..

ده إنت عارف أصلاً إيه هو ثواب الصيام لوحده؟؟

١ الصوم عمل ليس له مثل :

« قال رسول ﷺ : (عليك بالصوم فإنه لا مثل له) صححه الألباني

٢ ثواب الصوم لا يعلمه إلا الله :

« قال رسول ﷺ : (كل عمل ابن آدم له ، إلا الصوم ، هو لي ، وأنا أجزي به) متفق عليه

٣ الصوم يشفع لك يوم القيامة :

« قال رسول ﷺ : (الصيام والقرآن يشفعان للعبد يوم القيامة ؛ يقول الصيام أي رب منعته الطعام والشهوة فشفعني فيه ، ويقول القرآن منعته النوم بالليل فشفعني فيه ، قال فيشفعان) صححه الألباني

٤ الصيام يبعثك عن النار :

« قال رسول ﷺ : (من صام يوماً في سبيل الله بعد الله وجهه عن النار سبعين خريفاً) متفق عليه



« وفي رواية ثانية ، قال رسول ﷺ :

(رَغِمَ أَنْفُ رَجُلٍ ذُكِرَتْ عِنْدَهُ فَلَمْ يُصَلِّ عَلَيَّ ، **وَرَغِمَ أَنْفُ رَجُلٍ دَخَلَ عَلَيْهِ رَمَضَانَ ثُمَّ انْسَلَخَ قَبْلَ أَنْ يُغْفَرَ لَهُ** ، وَرَغِمَ أَنْفُ رَجُلٍ أَدْرَكَ عِنْدَهُ أَبْوَاهَ الْكَبِيرِ أَوْ أَحَدَهُمَا فَلَمْ يَدْخُلْهُ الْجَنَّةَ) صححه الألباني

• إنت عارف يعني إيه الكلام ده ؟؟

◀ رَغِمَ أَنْفٌ ..يعني أنفك تتحط في التراب ؟؟ ليه ؟؟

لو دخل عليك رمضان وربنا لم يغفر لك !..

أصل ده موسم الرحمة .. أوكازيون العتق والمغفرة ..

إنت عارف في الحديث الأول مين اللي بيدعي ..؟؟

ده سيدنا جبريل هو اللي بيدعي عليك والنبى ﷺ بيأمن

على دعاءه .. والدعاء بيه ؟؟ بالبعد ودخول النار ،

بالخسران على اللي هيجي عليه عليه رمضان ومش

هيتغفر ليه ؟؟ عارف لبييه ؟؟

لأن رمضان أعظم فرصة في حياتك ..

لو ضيعتها يبقى تستاهل فعلاً تبقى من الخاسرين !!

« **يا نرى تفكيرك إنغير عن رمضان ولا لسه ؟؟**

يا نرى هنتون من الفائزين ولا من الخاسرين ؟؟



شوفت ثواب الصيام لوحده قد إيه ؟؟؟؟

◀ **لازم بإذن الله ناخذ النوي دي كلها** ونجدد نيتنا كل شوية وإحنا صايمين ، علشان نضاعف الثواب والأجر عند الله عز وجل ..

◀ **إنت تعرف بقى إن السحور هو كمان ليه ثواب ؟**

◀ قال رسول ﷺ : (السحور كله بركة فلا تدعوه ولو أن يجرع أحدكم جرعة من ماء ، فإن الله عز وجل وملائكته يُصَلُّونَ عَلَى الْمُتَسَحِّرِينَ) حسنه الألباني

❁ **يا أخواني .. رمضان فرصة العمر والله ..**

فرصة لو ضيعتها ، يبقى تستاهل إنك تدخل في الناس اللي ورد فيهم حديث النبي ﷺ :

(أتاني جبريل ، فقال : يا محمد ! من أدرك أحد

والديه فمات فدخل النار فأبعده الله ، قل : آمين ،

فقلت : آمين ، قال : يا محمد ، من أدرك شهر

رمضان فمات فلم يُغفر له فأدخل النار فأبعده الله ،

قل : آمين ، فقلت : آمين ، قال : ومن ذكرت عنده

فلم يصل عليك فمات فدخل النار فأبعده الله ،

قل : آمين ، فقلت : آمين) صححه الألباني



◀ عن طلحة بن عبيد الله : (أن رجلين قدما على

رسول الله ﷺ وكان إسلامهما جميعاً ، فكان أحدهما

أشد اجتهاداً من الآخر ، فغزا المجتهد منهما

فاستشهد ، ثم مكث الآخر بعده سنة ثم توفي ، قال

طلحة : فرأيت في المنام بينما أنا عند باب الجنة ؛

إذا أنا بهما ، فخرج خارج من الجنة ، فأذن للذي

توفي الآخر منهما ، ثم خرج فأذن للذي استشهد ، ثم

رجع إليّ ، فقال أرجع فإنك لم يأن لك بعد ، فأصبح

طلحة يحدث به الناس فحجبوا لذلك ، فبلغ ذلك رسول

الله ﷺ وحدثوه الحديث ، فقال ﷺ : من أي ذلك

تعجبون؟؟ فقالوا يا رسول الله: **هذا كان أشد الرجلين**

اجتهاداً ثم استشهد ودخل هذا الآخر الجنة قبله!!

فقال رسول الله ﷺ : أليس قد مكث هذا بعده سنة؟؟

قالوا بلى ، قال: **وأدرك رمضان فصام وصلى كذا وكذا**

من سجدة في السنة؟؟ قالوا بلى ، قال رسول الله ﷺ:

فما بينهما أبعد مما بين السماء والأرض) صححه الألباني

❁ سبحان الله .. الفرق ما بينهم في الجنة أبعد مما بين

السماء والأرض ..مع إن الرجل الثاني لا حارب ولا

استشهد؛ولكن النبي قال إنه أدرك رمضان واجتهد فيه



◀ خذ عندك كمان ..

إنت تعرف إن اللي هيدرك شهر رمضان ، ممكن

يدرك منزلة أعلى من منزلة الشهيد في الجنة ؟؟

☑ أبوه ..الكلام ده بجد .. تعالى بس الأول نشوف

حديث واحد في منزلة الشهيد ..

◀ قال رسول ﷺ : (للشهيد عند الله سبع خصال :

يغفر له في أول دفعة من دمه ، ويرى مقعده من

الجنة ، ويحلى حلة الإيمان ، ويزوج اثنين وسبعين

زوجة من الحور العين ، ويجار من عذاب القبر ،

ويأمن من الفزع الأكبر ، ويوضع على رأسه تاج

الوقار ؛ الياقوتة منه خير من الدنيا وما فيها ،

ويشفع في سبعين إنساناً من أهل بيته) صححه الألباني

❁ **يا نهار أبيض.. !! ده إيه ده كله ؟؟؟!!**

دي منزلة فعلاً مستحقهاش غير اللي حارب وقاتل

في سبيل الله واستشهد .. منزلة عظيمة جداً!!!!!!

❁ **تحيل بقى إنك باجتهادك في شهر رمضان**

ممكن توصل لمنزلة أعلى من منزلة الشهيد؟



« الناس دي عرفت يعني إيه رمضان ؛ فكان لازم تبقى دي أحولهم قبل وبعد رمضان ..

يا نرى مين فينا اللي هيبقى زيهم ..؟؟

مين فينا اللي هيقدر الموسم العظيم ده ويعطيه حقه .. مين فينا اللي الشيطان مش هيضحك عليه ويخليه يقعد يسوف لغاية ما الشهر يعدي وهو لسه غافل ..

« أنا عايزك تفتكر كويس :

« إنت لو ربنا أحيك لحد رمضان يبقى إنت أخذت فرصة متتخيلهاش ...!! هتقول ليه؟؟

« هقولك : كام واحد من أصحابك أو من قرايبك مات قبل رمضان ..؟؟؟ كام صفحة كل يوم في الجرايد نعي لناس ماتت قبل رمضان ..؟؟؟

- فلو ربنا بلغك رمضان ، لازم تحس بقيمة النعمة دي .. وتشكرها حق شكرها بإنك تستغلها أحسن إستغلال وتكون من الفائزين برحمات ربنا والعشق من النار في الشهر المبارك ده .. " (١)

(١) - ما بين القوسين "" مقتبس بتصرف من محاضرة فرسان رمضان للدكتور حازم شومان ..



« " يا حبيب قلبي .. هو شهر واحد ..

يا أختي هو شهر واحد ..

شهر واحد هنصبر فيه وربنا بفضله وكرمه هيفتح

علينا ويعطينا عطاءات وثواب لا نتخيله ..

« لو قولتلك يا أخي : شهر واحد هتشتغل فيه وتأخذ أكبر مبلغ هناخده في حياتك، هنصبر الشهر ده ولا لا؟ لو سألتك يا أختي : شهر واحد تذاكري فيه وتحصلي على أعلى شهادة علمية في الكون هتجتهدى ولا لا؟؟ « أهو أنا بقولكم شهر واحد نصبر فيه ونأخذ كل الثواب والرحمة والمغفرة دي ..

« هنصبر ولا لا يا شباب بعد ما عرفنا خطورة

وأهمية شهر رمضان ..؟؟؟

« لما تعرف إن الصحابة والسلف الصالح كانوا بيدعوا ربنا قبل رمضان ب ٦ شهور إنه يبلغهم رمضان .. وبعد شهر رمضان ما يعدي .. يفضلوا يدعوا ربنا بقية السنة إنه يتقبل منهم أعمالهم في رمضان .. يعني رمضان كان محور حياتهم طول السنة



نستعد إزااااي؟؟

« كل سنة يبدأ رمضان .. و تقول هختم القرآن

١٠ مرات ، و في النهاية تنتهي بختمة واحدة أو ممكن متكلمش ختمة حتى !!

« وتقول هصلي التراويح كاملة بجزء و جزئين و احتمال أكمل الصلاة مع نفسي في البيت و برضه تكسل وممكن متكلمش ركعتين في التراويح !!

« تقول لا يمكن عيني تلمح فيلم ولا مسلسل و برضه تضعف وتقع في المعاصي !!!

« تقول أنا هكون أحسن واحد وهصلي كل الفروض صف أول جماعة أولى في المسجد و بعدها تفرط في المطالب دي .. !!

« تقول رمضان ده هيكون بداية إلترامي ، ولكن

للأسف أول ما رمضان يخلص تنسى كل ده ..!!

« وتندم بعد رمضان لما تلاقي فلان و فلان ختموا كام ختمة وصلوا التراويح بجزئين وتصدقوا وعملوا كل الخيرات ، وإنت كنت موجود معاهم بس سبوك! مع إن مفيش فرق كبير بينك وبينهم ..!!!



« لازم تجتهد وتجبب أقصى جهد عندك ..

عارف ليه؟؟

« لأنك متعرفش .. هل هتعيش لرمضان اللي جاي ولا لا؟؟؟ إنت مش ضامن عمرك للسنة الجاية !! ممكن يكون ده آخر رمضان في حياتك ..! خلي الكلام ده في بالك على طول .. علشان متسوقش ويكون حافز ومُنشَط ليك على الطاعة في رمضان .. وخلي شعارك السنة دي :

« لئن أدركت رمضان .. ليرين الله ما أصنع





طيب.. هو أنت مش لاقى ليه هدف فى رمضان؟؟؟

◀ يعنى العتق من النار لا يساوى ٣٠٠٠ جنيه أو مسابقة أو أي هدف دنيوي تاني؟؟؟!!!!!!

◀ **وهنا .. ممكن حد يقول : بس أنا بتابع مسلسلات كويسة وليها هدف !! يعنى مفيهاش حاجة ومش هيحصل حاجة لو شوية طاعات وشوية مسلسلات؟؟**
◀ طيب أنا مش هرد .. هسيبك إنت ترد على نفسك
-**المسلسلات المحترمة الهادفة اللي إنت بتتكلم عنها؛**

◀ مش فيها نساء بدون حجاب ورويتهم حرام ؟

◀ مش فيها موسيقى وأغاني ؟

◀ مش فيها قصص حب حرام وصحوية؟؟

◀ مش فيها إنك بتضيع فرصة رمضان بكل ما فيها

وإنت ماكنتش هتعمل كده مع أي حاجة دنيوية؟؟

- **وخذ السؤال ده وجاوب إنت بنفسك :**

◀ إحنا عارفين إن أي حاجة بنعملها ؛ إما فى ميزان حسناتنا أو ميزان سيئاتنا ؟ المسلسلات هتبقى فين؟؟

▶ أكيد مش ممكن تبقى مع القرآن والصلاة والصيام والدعاء والصدقة ... عرفت هتبقى فين؟؟؟؟

ليه نعمل كده؟؟؟ وإيه الفائدة؟؟؟؟؟



▶ لو عندك إمتحان ثانوية عامة وفاضل على الإمتحان شهر واحد ، ياترى هتتفرج فى الشهر ده على مسلسلات؟؟؟؟؟

▶ لو دخلت مسابقة من سيربح المليونووووون! وقدامك شهر واحد بس ، وطبعاً حضرتك عمال تذاكر كلمتين عشان طمعان فى المليون ، ممكن تسيب ده وتتفرج على مسلسلات؟؟؟؟؟

▶ لو اتقدمك عرض من شركة معينة إنك تفرغ نفسك لمدة شهر بعد شغلك ، مقابل مبلغ ١٠ الاف جنيه أو حتى ٥ أو ٣ ؛ ساعتها ممكن تضيع العرض وتتفرج على مسلسلات؟؟؟؟؟

▶ لو هتناقش رسالة الدكتوراة ، أو ... ، أو

◀ **خلاصة الكلام ..** ساعتها طبعاً هتقول أخلص المهمة اللي فى إيدي وأعدّي الشهر الأول .. والمسلسلات أهي بتتعد طول السنة ! مش كده؟؟

☑ **ويبقى إحنا كده اتفتنا على أول نقطة :**

◀ لو فيه حاجة مهمة ، وهدف عايز تحققه فى شهر مش هتهتم بالمسلسلات ، ولو كنت مدمن مسلسلات برضه هتسيبها وتشفوها فى الإعادة بعد الشهر ، تمام؟



من هنا البداية ..

☑ عايزين نوصم رمضان جديد بلا معاصي يا شباب
◀ **عندنا قاعدة فقهية بتقول :**

إذا عَظَم الداعي وإمتنع الفعل ؛ عَظَم الأجر !!

وإذا ضَعَف الداعي وتم الفعل ؛ عَظَم الوزر !!

◀ يعنى إيه الكلام ده بقى؟؟؟

◀ **يعني لو** واحد الظروف اللي حوالية كلها بتهيء له المعصية ومع كده معملهاش بيقى أجره كبير .. زي قصة سيدنا يوسف وإمرأة العزيز اللي كلنا عارفينها..
أما لو واحد الظروف اللي حوالية بتهيء له الطاعة ، يعنى مفيش داعي إنه يعمل معصية ؛ ومع ذلك عملها بيقى الوزر كبير ..

◀ **يعني ..** فى رمضان الشياطين متسلسلة ، وأبواب النار مقفولة ، وأبواب الجنة مفتوحة ، والناس بتتسابق فى الخير والطاعات .. واحد بيختم قرآن وواحد بيقم ليل وواحد بيتصدق و.....و.....

لو إنت عصيت ؛ هبقى الوزر كيبيبيبيبيبيبيبيبيبيبير ؛

لأن الجو كله جو طاعة !!..



☑ بالله عليك أنوي بصدق دلوقتي إنك مش هتتفرج على أي مسلسلات السنة دي .. خسارة تضيع وقتك فى معصية والناس بتطيع ربنا !

إوعى تكون بعيد فى وقت الناس كلها بتحاول تقرب!

☑ ولو إنت حريص على المعاصي أوي وخايف جداً لسيناتك تقل .. أحب أطمئنتك .. متخفش يا سيدي .. كل المسلسلات بتتعد بعد رمضان .. مش هيفوتك الوزر!

بس بالله عليك بلاش فى رمضان !!..

◀ الناس كلها بتتمنى تموت على طاعة ..

الناس كلها بتتمنى تموت فى شهر رمضان ..

ياترى إنت لو مت فى رمضان تحب تموت قدام مسلسل !!

◀ أنا عايزك تخاف على حسناتك .. إنت طول

النهار صايم وعمال تقرأ قرآن وتذكر الله وتتصدق ..

بلاش تضيع كل ده قدام التليفزيون !!

تاخذ شوية حسنات وترجع تضيعهم تاني؟؟؟

سبحان الله.... ليه كده؟؟؟

إنت مستخسر الحسنات اللي أخذتها؟؟!!



قبل الختام ..

◀ قبل ما نختم .. تعالوا نشوف المشهد ده ..
(حسام قاعد قدام الكمبيوتر ، وجنبه صاحبه طارق)
حسام: سامحنى يارب.. اغفر لي يارب ..
طارق: ما لك يا بني ؟؟ إنت بتعمل إيه بالظبط ؟؟
حسام: أصل أنا بأتسخ كل الصور والأفلام اللي مش ولا بد على الفلاشة دي ..
طارق: دي فلاشة ٨ جيجا .. !! عندك ٨ جيجا أفلام وصور مش مطبوعة !
حسام: يا عم هو ٨ جيجا حاجة ..!! وبعدين أنا بأتسخها في رمضان علشان نفس الواحد ما توزوش إنه يتفرج علي حاجة والواحد صايم ، مش عايز صيامي يضيع علشان فيلم ولا صورة ؟
طارق: طيب ما تمسحها خالص من على الجهاز ؟
حسام: حرام عليك ! ده أنا تعبت جداً على ما جمعتهم
طارق: والصيام اللي إنت خايف عليه ؟؟؟؟؟؟؟
حسام: ما أنا في رمضان مش هتفرج .. ولما يخلص رمضان هارجعهم .. ومتعدهاش بقى يا عم طارق !!



② صلاة المغرب لازم تكون في المسجد .. افطر على تمر وروح صلي وارجع كمل أكلك .. وبلاش تنتقل في الأكل علشان تعرف تصلي التراويح بقلب حاضر !!
③ الفترة بين المغرب والعشا لازم تستغلها .. إقرأ فيها قرآن .. إقرأ فيها تفسير الجزء اللي هيتقري بالتراويح إنهارده .. وإوعى تقول هنام وهصحى أصلي العشا :
④ حاول تصلي في مسجد فيه شيخ إنت بتخشع لما تسمع قراءته، وبعد التراويح بلاش تقف مع حد علشان متضيعش الليلة منك.. وحاول تنام بدري علشان القيام
⑤ لازم تتسحر ولو على ميه، متضيعش ثواب السحور
⑥ حافظ على جلسة الضحى والجلوس في المسجد بعد الفجر علشان تاخذ ثواب الحج والعمرة ..
⑦ و إنت رايح شغلك جدد النية علشان تاخذ الثواب ..
⑧ أكثر من الصدقات، وإحرص على تفتير الصائمين.
⑨ الإعتكاف عناية مركزة لازم قلبك يدخلها ، لازم تعتكف ؛ وخاصة إنه بفضل الله مباح فيه موانع أمنية زي زمان .. لا لازم تعتكف ولو هتاخذ أجازة !
⑩ إحرص على تحري ليلة القدر والإجتهد في العشر الأواخر كلها؛ علشان تكون من الفائزين في ليلة العمر



▶ إنت عمال تقول إنك مش قادر تبطل معاصي وإن معندكش إرادة .. وده كله والله وهم x وهم !!

إنت قدرت تصوم عن الحلال ٣٠ يوم متواصلين!

☑ هتقدر بإذن الله تبعد عن كل حرام .. هتقدر تتغير في رمضان وتثبت بعد رمضان بإذن الله ..
☑ هتقدر يا أختي تقاومي نفسك وشيطانك ، وتغيري البدي والبنطلون وكل اللبس اللي يغضب ربنا ..
☑ هتقدر يا أخي تغض بصرك وتصون قلبك ..

هتقدر يا شباب ..

◀ بارادتنا هتقدر نغير كل حاجة غلط في حياتنا .. بس محتاجين نعقد النية .. ونستعين بالله .. محتاجين نخلي دايماً عندنا هدف .. ومفيش هدف أسمي وأنبيل وأجمل وأعظم من **رضا ربنا** .. ربنا اللي يريد لنا إننا نعيش أحلى وأسعد حياة ..

أحلى حياة في طاعة الله

www.goodwayinlife.com



▶ مش عايزين المشهد ده يبقى حال حد فينا يا شباب
☑ **إنت هتتغير في رمضان ، وبإذن الله هتثبت بعده**
عارف ليه ؟؟ لأنك بإذن الله في نهار رمضان هتبتل تسمع أغاني وتبتل تتفرج على الأفلام والمسلسلات وتبتل تخرج مع البنات، علشان خايف على صيامك!
وفي ليل رمضان هتبتل تقعد على القهوي وتسهر في الخيم الرمضانية وتبتل تشيت مع البنات على الفيس ، علشان خايف على رمضان !

لازم بعد رمضان هنتغير، لازم رمضان ياتر فيه

♥ إنت كنت و إنت صايم بتراقب ربنا في أصغر شئ لو شوية ميه دخلوا في فمك و أنت بتتمضمض بتقعد تبصق علشان تطلعهم .. مع إنك ممكن تبلعهم و محدش شايفك .. بس إنت بتراقب ربنا ..
☑ يبقى لازم يستمر المعنى ده في قلبك بعد رمضان إنت في رمضان كنت بتصلي وتقرأ قرآن وتشارك في الخير .. ورب رمضان هو رب بقية السنة .. لازم تستمر على الصلاة والقرآن والخير طول عمرك

لازم تستعد وتجهز لليوم اللي هتقابل فيه ربك!